

陵江殿中伏波今據碑誌除建武威遠殿中三將軍與史同外
尙有冠軍奮威廣威虎威寧朔振武建義七將軍號而無陵江
伏波疑高昌軍制時有增損故並據訂補又南史高昌傳作官
有四鎮將軍及置雜號將軍按四鎮將軍見魏官制麴嘉爲鎮
西將軍乃魏所授非高昌本國另置四鎮將軍也又墓表中有
鎮西府平遠府撫軍府諸號鎮西府當然爲鎮西將軍之第宅
則平遠府撫軍府亦必有平遠將軍撫軍將軍之名號第諸史
無明文故此號爲何人所授授於何人尙難知也又雜號將軍
卽虎牙宣威明威之類也又據馬阿卷墓表以虎牙遷宣威再
遷墜中中郎將又據麴孝嵩以墜中中郎將追贈墜中將軍故
以墜中將軍一系爲第一欄墜中中郎將一系爲第二欄宣威